

REGIUN ALVRA: consigliera naziunala Magdalena Martullo-Blocher sen viseta

## «Mintga regiun ò las sias fermezzas»

**G.N.S. È Surmeir ansomma attractiv per abitar? Chegl è er adegna puspe en tema tar las conferenzas digls mastrals dalla Regiun Alvra. Cunsegl persiva èn nias a Casti da Magdalena Martullo-Blocher, la scheffa dalla «EMS Chemie» .**

Igl svilup economic è en tema permanent tar las conferenzas digls mastrals digls seis cumegns dalla Regiun Alvra. Las treis strategias definei as ainten l'agenda 2030 davart igl svilup ainten la regiun stattan adegna an tavla tar las reuniuns digls presidents comunals d'Albula/Alvra, Barvogn Filisour, Farrera, Lantsch, Surses e Vaz. Ò la nosssa regiun ansomma avantatgs tgi faschessan ella attractiva per abitar? Per chest muteiv on Daniel Kunfermann Maissen, igl manader pigl svilup regiunal e Roman Bergamin, igl magnagestiu dalla Regiun Alvra anvido glin-desde passo Magdalena Martullo- Blocher, la patrunga dalla «EMS Chemie» e Markus Büchi, igl schef da persunal da chella fi ma internaziunala a Casti. Da cuminanza on els discuto scu tgi la Regiun Alva cun la sia cun-trada e cultura unica savess augmentar la sia impurtanza.

### La colliaziun digl traffic public è impurtanta

Igl travagl a Domat ò radond 1000 collaboratours e collaboratouras e da chels 140 emprendists ed emprendistas. Bung 30% digls ampluias vignan a luvrar cuagl traffi public cun esser Domat colliia fi g bagn antras igl traffi public. An en de dattigl a Domat tutte-gna 172 colliaziuns per eir u turnar dalla lavour. Magdalena Martullo-Blocher ò menziuno tgi Surmeir seia er predestino scu li d'abitar per persungas tgi lavouran tar la «EMS Chemie». Digl reminent vegia igl menaschi gio varsaquants ampluias tgi vegian dimora an Val Alvra u an Surses.

### Er la qualitat da veiver

Tigl discurs cun Magdalena Martullo-Blocher è alloura sa verifi gia tgi ple tgi la mesadad digls collaboratours e collaboratouras dalla «EMS Chemie» abiteschan ainten la Regiun Plang ed a Coira e conturn. Mintga ampluia tgi dereiva da chellas regiuns seia pront da far en viadi pi lung per eir a luvrar. Per ena persunga tgi lavoura tschintg deis l'emda seia la pussebladad da sa revigneir, far sport, la quietezza, la qualitat da veiver e d'a-



Discurs cun la consigliera naziunala: (da san.) Roman Bergamin, Charlotte Projer, Fritz Scheibler, Daniel Kunfermann Maissen, Benno Bossi e Magdalena Martullo-Blocher.

bitar da gronda impurtanza, ò punctuo la consigliera naziunala dalla pps. Tot chels «bonus» vegia an mintga cass er la Regiun Alvra. Or digl discurs cun la donna turitgesa è alloura sa resultado tg'ena commercialisaziun dalla purscheida digl taimp liber e dalla qualitat da veiver seia decisiva per mintga regiun – igl migler antras ena propaganda da bucca a bucca. «Mintga regiun ò las sias atgnadads e fermezzas tgi corvan fi g divers basigns. Gist per famiglias ò la Regiun Alvra da porscher fi g bler», ò detg Magdalena Martullo-Blocher.

### Antop cun oters patrungs

Siva digl discurs cun Daniel Kunfermann Maissen e Roman Bergamin è la scheffa dalla «EMS Chemie» s'antupada cun en pèr patrungs, tg'on lour travagls ainten la zona d'industreia a Casti. Cò è la feglia da Christoph Blocher alloura neida pi concreta e cunzont defendia las valours dalla sia patreida, la pps. A Berna s'angascha ella ferm pigl turissem, per l'economia ed er per l'agricultura. Gist tigl turissem e tar l'agricultura seia la pps ple u manc l'unica parteida tgi veia la gronda impurtanza da chellas dus branschas. Tar las otras parteidas seia angal ple igl clima en tema, ò accentuo Magdalena Martullo-Blocher. Sa tgapescha tg'ella è er sa mussada scu nigina ameia dalla cunvegna da basa cun l'Uniu europeica. Gist igls affa s da transports vignan anc «seg mond» schi la cunve-

gna da basa cun l'UE geia an vigour. Alloura vignan angal ple igls affa s da transport digl exterioru a far chels an Svizra. Ansomma aint igl parlamaint a Berna seia igl traffi sen veia nign tema oter tgi tar la pps. Las otras parteidas discorran angal digl traffi dalla veiadafie . Pi paca birocrazeia, chegl fi s bagn er giavischa, chegl è sa resultado or digls discurs cun la consigliera naziunala ed igls treis patrungs preschaints.



La cunvegna da basa cun l'UEU savess er averei consequenzas pigls affars da transports.